

	COMO SE ENUNCIA EN RADIOTELEFONÍA	COMO SE REGISTRA NA DEPENDENCIA DE SERVICIOS DE TRÁNSITO AEREO E SE REMITE Á OFICINA METEOROLÓXICA CORRESPONDENTE
II.2	JAPANAIR CATRO CATRO UN SOBRE ORDON CERO NOVE TRES CERO NIVEL DE VOOTRES CINCO CERO ONADE UN CERO CERO SETE OMPPA SEGUINTE TEMPERATURA MENOS CINCO TRES VENTO TRES UN CERO GRAOS SEIS CERO QUILOMETROS POR HORA TURBULENCIA LIXEIRA ENXELAMENTO LIXEIRO.	II.-JAL441 ORDON 0930 F350 MS53 310/60KMH TURB FBL ICE FBL.
III.3	AIREP ESPECIAL CLIPPER UN CERO UN POSICIÓN CINCO CERO CATRO CINCO NORTE CERO DOUS CERO UN CINCO OESTE UN CINCO TRES SEIS NIVEL DE VOO TRES UN CERO ASCENDENDO A NIVEL DE VOO TRES CINCO CERO TORMENTAS CON SARABIA	III.-ARSPAA1015045N02015W 1536 F310 ASC F350 TSGR.
IV.4	ESPECIAL NIUGINI DOUS SETE TRES SOBREVANDO MADANG CERO OITO CATRO SEIS UN NOVE MIL PÉSTURBULENCIA FORTE.	IV.-ARS ANG273 MID 0846 19000FTTURB SEV.

1 Aeronotificación ordinaria para un voo transoceánico que foi designado para notificar observacións meteorolóxicas ordinarias a meridianos espazados a intervalos de 10°. Non se require que se transmita ás oficinas meteorolóxicas correspondentes a información sobre a posición seguinte, o punto significativo seguinte e a autonomía.

2 Aeronotificación ordinaria para un voo transoceánico que se require que notifique observacións meteorolóxicas ordinarias en puntos significativos especificados. Non se require que se transmita ás oficinas meteorolóxicas correspondentes a información sobre a posición seguinte e o punto significativo seguinte.

3 Requírese unha aeronotificación especial debido a que ocorren tormentas con sarabias xeneralizadas.

4 Requírese unha aeronotificación especial debido á turbulencia forte. A aeronave encontrase nunha regraxa do altímetro QNH.»

Disposición derradeira única. *Entrada en vigor.*

Esta orde entrará en vigor o día seguinte ao da súa publicación no Boletín Oficial do Estado, agás os números tres, catro, seis e sete do artigo único desta orde, que entrarán en vigor o 1 de novembro de 2005.

Madrid, 19 de setembro de 2005.

FERNÁNDEZ DE LA VEGA SANZ

**15845** REAL DECRETO 1085/2005, do 16 de setembro, polo que se establecen normas zoosanitarias para a importación e tránsito por España de determinados unglados vivos procedentes de países terceiros. («BOE» 229, do 24-9-2005.)

Mediante o Real decreto 495/1990, do 20 de abril, polo que se establecen as condicións sanitarias que deben reunir os animais vivos das especies bovina e porcina importados de países terceiros, o capítulo III do Real decreto 1941/2004, do 27 de setembro, polo que se establecen as normas de policía sanitaria que regulan os intercambios intracomunitarios e as importacións de países terceiros de animais das especies ovina e cabrúa, e os artigos 82 e 83 do Real decreto 2179/2004, do 12 de novembro, polo que se establecen medidas de loita contra a febre aftosa, incorporouse ao noso ordenamento a Directiva 72/462/CEE do Consello, do 12 de decembro de 1972, relativa a problemas sanitarios e de policía sanitaria nas importacións de animais das especies bovina, porcina, ovina e cabrúa e de carne fresca e de produtos a base de carnes procedentes de países terceiros.

Co fin de racionalizar e actualizar as disposicións zoosanitarias relativas ao comercio internacional de animais, recollidas na citada Directiva 72/462/CEE, debido á evolución das normas internacionais da Oficina Internacional de Epizootias e á adopción de novas normas, así como ás súas repercusións no marco da Organización Mundial do Comercio e o seu Acordo sobre a aplicación de medidas

sanitarias e fitosanitarias, gran parte das disposicións desta directiva foran substituídas por outras normas comunitarias, e as que continuaban vixentes foron substituídas pola Directiva 2004/68/CE do Consello, do 26 de abril de 2004, pola que se establecen normas zoosanitarias para a importación e tránsito na Comunidade de determinados unglados vivos, que a derroga, á vez que modifica as Directivas 90/426/CEE e 92/65/CEE. Así mesmo, a Directiva 2004/68/CE ten como finalidade adecuar as normas reguladoras da importación de unglados vivos á Directiva 2002/99/CE do Consello, do 16 de decembro de 2002, pola que se establecen as normas zoosanitarias aplicables á produción, transformación, distribución e introdución dos produtos de orixe animal destinados ao consumo humano.

Mediante este real decreto incorpórase ao noso ordenamento a mencionada Directiva 2004/68/CE e establécense as normas de sanidade animal aplicables á importación e ao tránsito de determinados unglados vivos procedentes de países terceiros, ao tempo que se modifican, parcialmente, os reais decretos 1347/1992, do 6 de novembro, polo que se modifican as normas de loita contra a peste equina e se establecen as condicións de sanidade animal que regulan os movementos intracomunitarios de équidos e as importacións destes animais de países terceiros, 1881/1994, do 16 de setembro, polo que se establecen as condicións de policía sanitaria aplicables aos intercambios intracomunitarios e as importacións procedentes de países terceiros de animais, esperma, óvulos e embrións non sometidos, con respecto a estas condicións, ás disposicións contidas na sección 1 do anexo A do Real decreto 1316/1992, do 30 de outubro, e 1941/2004, do 27 de setembro, polo que se establecen as normas de policía sanitaria que regulan os intercambios intracomunitarios e as importacións de países terceiros de animais das especies ovina e cabrúa. Así mesmo, derrógase o Real decreto 495/1990, do 20 de abril, o capítulo III do Real decreto 1941/2004, do 27 de setembro, e os artigos 82 e 83 do Real decreto 2179/2004, do 12 de novembro.

Este real decreto estrutúrase en oito artigos, unha disposición adicional, unha transitoria, unha derogatoria e seis disposicións derradeiras. Desta regulación convén salientar os seguintes aspectos:

a) A importación e o tránsito por España de unglados vivos só se autorizará se proveñen de países terceiros, ou partes destes, autorizados pola Comisión Europea e incluídos nas correspondentes listas comunitarias, que ofrecen unha serie de garantías sanitarias xerais, e que cumpran as condicións específicas que fixe para certos supostos a citada comisión. Desta forma, establécense nunha única disposición a normativa anteriormente dispersa en diversos reais decretos, específicos segundo a especie animal ou en función da enfermidade regulada.

b) Prevense certas excepcións en casos moi concretos, en atención ás circunstancias concorrentes, para facilitar o movemento de determinados animais, como os de

especies ameazadas, ou os destinados a eventos deportivos ou a exhibicións sempre sen ánimo comercial.

c) Prevese a aplicación transitoria dunha serie de decisións ditadas en execución da Directiva 72/462/CEE, mediante as cales se fixan os países terceiros respecto dos cales se autoriza a exportación, ao territorio comunitario, de animais ou produtos de orixe animal, ata que a Comisión Europea, en aplicación da directiva que se incorpora, aprobe as novas listas de países terceiros autorizados.

d) Prevese a aplicación, para a seguridade xurídica, das normas que poida aprobar a Comisión Europea desde a entrada en vigor deste real decreto, data de aplicación da directiva que se incorpora, ata o 1 de xaneiro de 2006, data na cal entrarán en vigor os regulamentos comunitarios en materia de hixiene dos animais e dos alimentos de orixe animal, marco no cal se encadra a Directiva 2004/68/CE.

Na elaboración deste real decreto foron consultadas as comunidades autónomas e as entidades representativas dos sectores afectados.

Este real decreto dítase en virtude da habilitación contida na disposición derradeira quinta da Lei 8/2003, do 24 de abril, de sanidade animal.

Na súa virtude, por proposta das ministras de Agricultura, Pesca e Alimentación e de Sanidade e Consumo, de acordo co Consello de Estado e logo da deliberación do Consello de Ministros na súa reunión do día 16 de setembro de 2005,

## DISPONGO:

### Artigo 1. *Obxecto e ámbito de aplicación.*

Este real decreto ten por obxecto establecer as normas zosanitarias aplicables á importación, e ao tránsito por España, de ungulados vivos procedentes de países terceiros, de aplicación en todo o territorio nacional.

### Artigo 2. *Definicións.*

Para os efectos deste real decreto, serán de aplicación as seguintes definicións:

a) Países terceiros: os países distintos dos Estados membros da Unión Europea, as partes do territorio nacional en que non sexan aplicables o Real decreto 49/1993, do 15 de xaneiro, relativo aos controis veterinarios aplicables nos intercambios intracomunitarios dos produtos de orixe animal, e o Real decreto 1316/1992, do 30 de outubro, polo que se establecen os controis veterinarios e zootécnicos aplicables nos intercambios intracomunitarios de determinados animais vivos e produtos con vistas á realización do mercado interior, así como os territorios doutros Estados membros en que non sexan aplicables as Directivas 89/662/CEE do Consello, do 11 de decembro de 1989, relativa aos controis veterinarios aplicables nos intercambios intracomunitarios con vistas á realización do mercado interior, e 90/425/CEE do Consello, do 26 de xuño de 1990, relativa aos controis veterinarios e zootécnicos aplicables nos intercambios intracomunitarios de determinados animais vivos e produtos con vistas á realización do mercado interior.

b) País terceiro autorizado: un país terceiro, ou unha parte dun país terceiro, a partir do cal se autorice, conforme o disposto no artigo 3.1, a importación na Comunidade de ungulados vivos.

c) Veterinario oficial: o veterinario autorizado pola Administración veterinaria dun país terceiro para efectuar as inspeccións sanitarias dos animais vivos e expedir un certificado oficial.

d) Ungulados: os animais enumerados no anexo I.

### Artigo 3. *Países terceiros autorizados e condicións zosanitarias específicas para a importación e tránsito de ungulados vivos de países terceiros autorizados.*

1. A importación e o tránsito por España de ungulados vivos procedentes de países terceiros só se autorizará a partir dos países terceiros autorizados para o efecto pola Comisión Europea.

2. Sen prexuízo do previsto no punto anterior, serán de aplicación, así mesmo, as condicións zosanitarias específicas que estableza a Comisión Europea para a importación, e o tránsito polo territorio de España, de ungulados vivos desde países terceiros autorizados.

### Artigo 4. *Garantías dos países terceiros autorizados relativas ás importacións na Comunidade de ungulados vivos.*

As importacións, e o tránsito por España, de ungulados vivos só se permitirán se o país terceiro autorizado ofrece as seguintes garantías:

a) Os animais deberán proceder dun territorio libre de enfermidade, conforme os criterios xerais básicos mencionados no anexo II, no cal deberá estar prohibida a entrada de animais vacinados contra as enfermidades enumeradas no dito anexo.

b) Os animais deberán cumprir as condicións zosanitarias específicas previstas no artigo 3.2.

c) Con anterioridade ao día de carga para o seu envío a España, os animais deberán ter permanecido no territorio do país terceiro autorizado durante o período de tempo que se estableza nas condicións zosanitarias específicas a que se refire o citado artigo 3.2.

d) Antes do envío cara a España, os animais deberán ter sido sometidos a un control a cargo dun veterinario oficial para asegurarse de que gozan de boa saúde e de que se respectan as condicións de transporte previstas no Real decreto 1041/1997, do 27 de xuño, polo que se establecen as normas relativas á protección dos animais durante o seu transporte, en particular no relativo ao abastecemento de auga e de penso.

e) Os animais deberán ir acompañados dun certificado veterinario que cumpra o disposto no artigo 7 e se axuste ao modelo de certificado veterinario establecido pola Comisión Europea. Así mesmo, serán de aplicación as normas que adopte a citada Comisión para a utilización de documentos electrónicos.

f) Á súa chegada a España, os animais deberán ser controlados nun posto de inspección fronteirizo autorizado, conforme o establecido no artigo 6 do Real decreto 1430/1992, do 27 de novembro, polo que se establecen os principios relativos á organización de controis veterinarios e de identidade dos animais que se introduzan na Comunidade procedentes de países terceiros.

### Artigo 5. *Excepcións ás garantías que deben presentar os países terceiros autorizados.*

Non obstante o disposto no artigo 3.2 e no artigo 4, serán de aplicación as normas específicas que aprobe a Comisión Europea, incluídos os modelos de certificados veterinarios, para a importación e o tránsito de ungulados vivos a partir de países terceiros autorizados en virtude do artigo 3.1, se estes animais se encontran nalgún dos seguintes supostos:

a) Están destinados exclusivamente a pastoreo ou tiro, de forma temporal, nas inmediacións das fronteiras comunitarias.

b) Están relacionados con acontecementos deportivos, circos, feiras e exhibicións, pero non con transaccións comerciais dos propios animais.

c) Están destinados a un zoo, un parque de atraccións, un laboratorio experimental ou un organismo, instituto ou centro oficialmente autorizado, tal como se define no artigo 2.c) do Real decreto 1881/1994, do 16 de setembro.

d) Transitan exclusivamente polo territorio de España a través de postos comunitarios fronteirizos de inspección autorizados e baixo a aprobación e supervisión das autoridades aduaneiras e veterinarias, sen outras paradas que as necesarias para o benestar dos animais.

e) Acompañan os seus propietarios como animais de compañía.

f) Son presentados nun posto comunitario fronteirizo de inspección autorizado unha vez que abandonasen España:

1.º Nun prazo de 30 días para un dos fins indicados nas letras a), b) e e).

2.º Transitaron por un país terceiro.

g) Pertencen a especies ameazadas.

#### Artigo 6. *Outras excepcións.*

1. Non obstante o disposto no artigo 4.a), serán de aplicación as excepcións que para cada país terceiro adopte a Comisión Europea, nas condicións para a importación ou o tránsito na Comunidade de ungueados vivos procedentes dun país terceiro autorizado no cal se rexistren algunhas das enfermidades enumeradas no anexo II, ou se leven a cabo vacinacións contra tales enfermidades.

2. Non obstante o disposto na o artigo 4.a), serán de aplicación as decisións ou actos da Comisión Europea en que se fixe un período específico ao termo do cal poidan continuarse as importacións ou o tránsito de ungueados vivos procedentes dun país terceiro autorizado, tras a súa suspensión ou prohibición debido a un cambio na situación sanitaria, ou se determinen outras condicións que deban cumprirse unha vez continuada a importación.

#### Artigo 7. *Certificados veterinarios.*

1. Ao efectuarse a súa importación ou tránsito por España, con cada partida de animais presentárase un certificado veterinario que cumpra os requisitos establecidos no anexo III.

2. O certificado veterinario acreditará que se cumpriron os requisitos da vixente normativa comunitaria sobre sanidade animal ou, cando proceda, outras condicións zoonosanitarias específicas, de acordo co artigo 3.2, equivalentes aos citados requisitos.

3. O certificado veterinario poderá incluír as declaracións exixidas en materia de certificación por outras normas comunitarias relativas á saúde pública e á saúde e o benestar dos animais.

4. Non obstante, o uso do certificado veterinario previsto no número 1 quedará suspendido ou retirado cando así o decida a Comisión Europea.

#### Artigo 8. *Infraccións e sancións.*

No caso de incumprimento do disposto neste real decreto, será de aplicación o réxime de infraccións e sancións establecido na Lei 8/2003, do 24 de abril, de sanidade animal, sen prexuízo das posibles responsabilidades civís, penais ou doutra orde que puidesen concorrer.

Disposición adicional única. *Outras disposicións aplicables.*

Sen prexuízo do previsto neste real decreto, serán, así mesmo, de aplicación as disposicións que adopte a Comisión Europea relativas a:

a) Normas adicionais para a aplicación da normativa zoonosanitaria para a importación e tránsito en importación e tránsito na Unión Europea de ungueados vivos procedentes de países terceiros.

b) Normas sobre a orixe dos animais.

c) Criterios de clasificación das rexións ou os países terceiros autorizados no que se refire ás enfermidades animais.

d) Disposicións para o uso de documentos electrónicos no que se refire aos modelos de certificados veterinarios, conforme o disposto no artigo 4.e).

e) Os modelos de certificados veterinarios segundo o disposto no artigo 7.1.

Disposición transitoria única. *Normas da Unión Europea.*

1. Serán de aplicación, así mesmo, as disposicións transitorias que adopte a Comisión Europea ata o 1 de xaneiro de 2006, en materia de normas zoonosanitarias para a importación e o tránsito pola Unión Europea dos ungueados vivos procedentes de países terceiros, incluídos no anexo I.

2. Así mesmo, serán de aplicación as normas ditadas pola Comunidade Europea para a aplicación da Directiva 72/462/CEE, e enumeradas no anexo V deste real decreto, ata que sexan substituídas por novas normas da Unión Europea.

Disposición derogatoria única. *Derrogación normativa.*

Quedan derogadas cantas disposicións de igual ou inferior rango se opoñan ao establecido neste real decreto e, expresamente, as seguintes:

a) O Real decreto 495/1990, do 20 de abril, polo que se establecen as condicións sanitarias que deben reunir os animais vivos das especies bovina e porcina importados de países terceiros.

b) O capítulo III do Real decreto 1941/2004, do 27 de setembro, polo que se establecen as normas de policía sanitaria que regulan os intercambios intracomunitarios e as importacións de países terceiros de animais das especies ovina e cabrú, que comprende os artigos 18 a 28, ambos inclusive.

c) Os artigos 82 e 83 do Real decreto 2179/2004, do 12 de novembro, polo que se establecen medidas de loita contra a febre aftosa.

Disposición derradeira primeira. *Títulos competenciais.*

Este real decreto dítase ao abeiro do disposto no artigo 149.1.16.<sup>a</sup>, primeiro inciso, da Constitución, que lle atribúe ao Estado a competencia exclusiva en materia de sanidade exterior.

Exceptúase do anterior a regulación contida no número 2 da disposición derradeira segunda, nos números 1, en canto se refire aos intercambios intracomunitarios, 2 e 4 da disposición derradeira terceira e na disposición derradeira cuarta, que se dita ao abeiro do disposto no artigo 149.1.16.<sup>a</sup> da Constitución, que lle atribúe ao Estado a competencia exclusiva en materia de bases e coordinación xeral da sanidade.

Disposición derradeira segunda. *Modificación do Real decreto 1347/1992, do 6 de novembro.*

O Real decreto 1347/1992, do 6 de novembro, polo que se modifican as normas de loita contra a peste equina e se establecen as condicións de sanidade animal que regulan os movementos intracomunitarios de équidos e as impor-

tacións destes animais de países terceiros, modifícase nos seguintes termos:

Un. O artigo 9 queda redactado do seguinte modo:

«Artigo 9.

1. A importación de équidos só se autorizará a partir dos países terceiros, ou das partes do territorio destes que figuren na lista ou listas elaboradas ou modificadas pola Comisión Europea. Estas listas poderanse combinar con outras elaboradas para efectos de saúde pública ou animal, e poderán tamén incluír modelos de certificado sanitario.

2. Así mesmo, serán de aplicación:

a) As condicións especiais de importación para cada país terceiro ou grupo de países terceiros que estableza a Comisión Europea, tendo en conta a situación zoonosanitaria no relativo aos équidos no país terceiro ou os países terceiros en cuestión.

b) As normas detalladas que aprobe a citada Comisión para a aplicación deste artigo e os criterios para a inclusión de países terceiros ou partes de países terceiros nas listas previstas no número 1.»

Dous. Engádesse un novo artigo 18, coa seguinte redacción:

«Artigo 18.

O laboratorio comunitario de referencia para unha ou varias das enfermidades dos équidos mencionadas no anexo A, así como as súas funcións e procedementos de colaboración cos laboratorios nacionais de referencia e os encargados do diagnóstico das enfermidades infecciosas dos équidos en España, será o designado pola Comisión Europea.»

Disposición derradeira terceira. *Modificación do Real decreto 1881/1994, do 16 de setembro.*

O Real decreto 1881/1994, do 16 de setembro, polo que se establecen as condicións de policía sanitaria aplicables aos intercambios intracomunitarios e ás importacións procedentes de países terceiros de animais, esperma, óvulos e embrións non sometidos, con respecto a estas condicións, ás disposicións contidas na sección I do anexo A do Real decreto 1316/1992, do 30 de outubro, modifícase nos seguintes termos:

Un. O artigo 1 queda redactado do seguinte modo:

«Artigo 1. *Ámbito de aplicación.*

Este real decreto establece as condicións de policía sanitaria aplicables aos intercambios intracomunitarios e ás importacións procedentes de países terceiros, de animais, esperma, óvulos e embrións non sometidos aos requisitos zoonosanitarios establecidos nas normas específicas relacionadas no anexo F.»

Dous. A alínea e) do número 1 do artigo 6 queda redactada do seguinte modo:

«e) Ir acompañados dun certificado conforme o modelo que figura na parte 1 do anexo E, completado co seguinte certificado:

“Certificado

Quen asina (veterinario oficial) certifica que o/os ruminante(s)(1)/súido(s)(1), distinto(s)(1) dos incluídos no ámbito de aplicación da Directiva 64/432/CEE:

a) Pertence(n)(1) á especie.

b) Non presentou/presentaron(1) no exame a que foi/foron sometido(s)(1) ningún síntoma clínico das enfermidades a que é/son(1) sensible(s)(1).

c.) Procede(n)(1) dunha explotación oficialmente indemne de tuberculose(1)/oficialmente indemne(1)

ou indemne de brucelose(1)/dunha explotación(1) non suxeita a restricións con relación á peste porcina (a) ou dunha explotación en que foi/foron sometido(s)(1), con resultado negativo, ás probas mencionadas no inciso ii) da alínea b) do número 2 do artigo 6 da Directiva 92/65/CEE.

Tres. Suprímese a alínea f) do número 1 do artigo 6.

Catro. A alínea b) do número 2 do artigo 6 queda redactada do seguinte modo:

«b) Cando non procedan dunha explotación que cumpra os requisitos establecidos na anterior alínea a), proceder dunha explotación en que non se detectase ningún caso de brucelose nin de tuberculose durante os 42 días anteriores á carga dos animais e na cal que os ruminantes fosen sometidos, dentro dos 30 días anteriores á expedición e con resultado negativo, a unha proba para a brucelose e a tuberculose.»

Cinco. Engádeselle un novo punto 4 ao artigo 6, coa seguinte redacción:

«4. Os requisitos sobre probas a que se fai referencia neste artigo, así como os criterios a eles asociados, serán os establecidos pola Comisión Europea, e en defecto destes, os previstos na normativa interna de España.»

Seis. Engádesse un novo punto 4 no artigo 16, coa seguinte redacción:

«4. Serán de aplicación, así mesmo:

a) A lista que aprobe a Comisión Europea, de países terceiros ou partes de países terceiros que poidan proporcionar garantías equivalentes ás previstas no capítulo II en relación cos animais, o esperma, os óvulos e os embrións.

b) Sen prexuízo do disposto na Decisión 94/63/CE da Comisión, do 31 de xaneiro de 1994, pola que se establece a lista dos países terceiros a partir dos cales os Estados membros autorizan as importacións de esperma, óvulos e embrións das especies ovina e cabrúa e de óvulos e de embrións da especie porcina, a lista que aprobe a Comisión Europea, dos centros de recollida para os cales estes países terceiros poidan dar as garantías previstas no artigo 11, así como as súas modificacións.»

Sete. Engádesse, como novo anexo F, o contido do anexo IV deste real decreto.

Disposición derradeira cuarta. *Modificación do Real decreto 1941/2004, do 27 de setembro.*

O Real decreto 1941/2004, do 27 de setembro, polo que se establecen as normas de policía sanitaria que regulan os intercambios intracomunitarios e as importacións de países terceiros de animais das especies ovina e cabrúa, modifícase nos seguintes termos:

Un. O artigo 1 queda redactado do seguinte modo:

«Artigo 1. *Obxecto.*

Este real decreto establece as normas de policía sanitaria polas que se rexerán os intercambios intracomunitarios de animais das especies ovina e cabrúa.»

Dous. A alínea g) do artigo 2 queda redactada do seguinte modo:

«g) Veterinario oficial: o veterinario dependente dos órganos competentes das comunidades autónomas.»

Tres. A disposición derradeira primeira queda redactada do seguinte modo:

«Disposición derradeira primeira. Carácter básico e título competencial.

Este real decreto ten carácter básico e dítase ao abeiro do disposto no artigo 149.1.16.<sup>a</sup> da Constitución, polo que se lle atribúe ao Estado a competencia exclusiva en materia de bases e coordinación xeral da sanidade.»

Disposición derradeira quinta. *Facultade de desenvolvemento, modificación e aplicación.*

1. Facúltanse os ministros de Agricultura, Pesca e Alimentación e de Sanidade e Consumo para ditar, no ámbito das súas respectivas competencias, as disposicións que sexan precisas para o desenvolvemento e aplicación deste real decreto.

2. Facúltanse os ministros de Agricultura, Pesca e Alimentación e de Sanidade e Consumo para realizaren, no ámbito das súas respectivas competencias, as modifi-

cacións nos anexos deste real decreto que sexan necesarias para a súa adaptación á normativa comunitaria ou por motivos urxentes de sanidade animal.

3. Así mesmo, facúltanse os ministros de Agricultura, Pesca e Alimentación e de Sanidade e Consumo para ditaren, no ámbito das súas respectivas competencias, as disposicións que sexan necesarias para a aplicación en España das decisións ou actos adoptados pola Comisión Europea, a que se refiren o artigo 3, o artigo 5, o artigo 6, o artigo 7.4, a disposición adicional única e a disposición transitoria única deste real decreto.

Disposición derradeira sexta. *Entrada en vigor.*

Este real decreto entrará en vigor o día 20 de novembro de 2005.

Dado en Madrid o 16 de setembro de 2005.

JUAN CARLOS R.

A vicepresidenta primeira do Goberno  
e ministra da Presidencia,

MARÍA TERESA FERNÁNDEZ DE LA VEGA SANZ

## ANEXO I

### Especies Animais

Taxón		
Orden	Familia	Género/especie
Artiodáctilos.	Antilocápridos. Bóvidos.	Antilocapra ssp. Addax ssp., Aepyceros ssp., Alcelaphus ssp., Ammodorcas ssp., Ammoutragus ssp., Antidorcas ssp., Antilope ssp., Bison ssp., Bos ssp. (incluídas Bibos, Novibos e Poephagus), Boselaphus ssp., Bubalus ssp. (incluída Anoa), Budorcas ssp., Capra ssp., Cephalophus ssp., Connochaetes ssp., Damaliscus ssp. (incluída Beatragus), Dorcatragus ssp., Gazella ssp., Hemitragus ssp., Hippoutragus ssp., Kobus ssp., Litocranius ssp., Madogua ssp., Naemorhedus ssp. (incluídas Nemorhaedus e Capricornis), Neoutragus ssp., Oreamuos ssp., Oreoutragus ssp., Oryx ssp., Ourebia ssp., Ovibos ssp., Ovis ssp., Patholops ssp., Pelea ssp., Procacra ssp., Pseudois ssp., Pseudoryx ssp., Raphicerus ssp., Redunca ssp., Rupicapra ssp., Saiga ssp., Sigmoceros-Alecelaphus ssp., Sylvicapra ssp., Syncerus ssp., Tauroutragus ssp., Tetracerus ssp., Tragelaphus ssp. (incluída Boocerus).
	Camélidos. Cérvidos.	Camelus ssp., Lama ssp., Vicugna ssp. Alces ssp., Axis-Hyelaphus ssp., Blastoceros ssp., Capreolus ssp., Cervus-Rucervus ssp., Dama ssp., Elaphurus ssp., Hippocamelus ssp., Hydropotes ssp., Mazama ssp., Megamuntiacus ssp., Muntiacus ssp., Odocoileus ssp., Ozotoceros ssp., Pudu ssp., Rangifer ssp.
	Xiráfidos. Hipopotámidos. Mósquidos. Súidos.	Giraffa ssp., Okapia ssp. Hexaprotodon-Choeropsis ssp., Hippopotamus ssp. Moschus ssp. Babyrousa ssp., Hylochoerus ssp., Phacochoerus ssp., Potamochoerus ssp., Sus ssp.
	Taiasúidos. Tragúlidos.	Catagonus ssp., Pecari-Tayassu ssp. Hyemoschus ssp., Tragulus-Moschiola ssp.
	Perisodáctilos.	Rinoceróntidos. Tapíridos.
Proboscídeos.	Elefántidos.	Elephas ssp., Loxodonta ssp.

## ANEXO II

### Enfermidades

Enfermidade	Condições	Animais a que afecta
Febre aftosa.	Ningún foco de enfermidade, ningunha proba de infección vírica (*), nin vacinacións practicadas nos últimos 12 meses.	Todas as especies.
Estomatite vesicular.	Ningún caso de enfermidade nos últimos seis meses.	Todas as especies.

Enfermidade	Condições	Animais a que afecta
Enfermidade vesicular porcina.	Ningún caso de enfermidade nin vacinacións practicadas durante os últimos 24 meses.	Especies da familia dos súidos.
Peste bovina.	Ningún caso de enfermidade nin vacinacións practicadas nos últimos 12 meses.	Todas as especies.
Peste dos pequenos ruminantes.	Ningún caso de enfermidade nin vacinacións practicadas durante os últimos 12 meses.	Especies dos xéneros Ovis e Capra.
Peripneumonía contaxiosa bovina.	Ningún caso de enfermidade nin vacinacións practicadas nos últimos 12 meses.	Especies do xénero Bos.
Dermatose nodular contaxiosa.	Ningún caso de enfermidade nin vacinacións practicadas durante os últimos 36 meses.	Especies dos xéneros Bos, Bison e Bubalus.
Febre do Val do Rift.	Ningún caso de enfermidade nin vacinacións practicadas durante os últimos 12 meses.	Todas as especies distintas das da familia dos súidos.
Febre catarral.	Ningún caso de enfermidade nin vacinacións practicadas nos últimos 12 meses, cun control adecuado da poboación de culicoides.	Todas as especies distintas das da familia dos súidos.
Variola ovina e cabrúa.	Ningún caso de enfermidade nin vacinacións practicadas durante os últimos 12 meses.	Especies dos xéneros Ovis e Capra.
Peste porcina africana.	Ningún caso de enfermidade nos últimos 12 meses.	Especies da familia dos súidos.
Peste porcina clásica.	Ningún caso de enfermidade nin vacinacións practicadas durante os últimos 12 meses.	Especies da familia dos súidos.

(\*) Conforme o capítulo 2.1.1 do Manual da Oficina Internacional de Epizootias.

### ANEXO III

#### Requisitos dos certificados veterinarios

1. O representante da autoridade competente de expedición que emita un certificado veterinario para acompañar unha partida de animais deberá asinar o certificado e asegurarse de que leve estampado un selo oficial. Se o certificado consta de máis dunha folla, cada unha delas deberá levar a sinatura e o selo.

2. Os certificados deberán estar redactados, polo menos, en castelán cando a inspección fronteiriza se realice en España, ou cando España sexa o Estado de destino, ou ben deberán ir acompañados dunha tradución xurada para o castelán.

3. Ao entrar en España, cada partida de animais irá acompañada da versión orixinal do certificado veterinario.

4. Os certificados veterinarios deberán constar dunha soa folla de papel; de dúas ou máis páxinas que formen parte dunha folla de papel única e indivisible; ou ben dunha secuencia de páxinas numeradas de forma que se indique que cada páxina forma parte dunha secuencia finita (por exemplo, «páxina 2 de 4»).

5. Os certificados veterinarios deberán levar un número de identificación único. Se o certificado veterinario consta dunha secuencia de páxinas, cada unha delas deberá levar o citado número.

6. O certificado veterinario deberá expedirse antes de que a partida a que se refire deixe de estar baixo o control da autoridade competente do país terceiro de envío.

### ANEXO IV «ANEXO F

Directiva	Real decreto de incorporación ao noso ordenamento.
Directiva 64/432/CEE do Consello, do 26 de xuño de 1964, relativa a problemas de policía sanitaria en materia de intercambios intracomunitarios de animais das especies bovina e porcina.	Real decreto 1716/2000, do 13 de outubro, sobre normas sanitarias para o intercambio intracomunitario de animais das especies bovina e porcina.
Directiva 88/407/CEE do Consello, do 14 de xuño de 1988, pola que se fixan as exixencias de policía sanitaria aplicables aos intercambios intracomunitarios e ás importacións de esperma conxelado de animais da especie bovina.	Real decreto 2256/1994, do 25 de novembro, polo que se fixan as exixencias de policía sanitaria aplicables aos intercambios intracomunitarios e ás importacións de esperma de animais da especie bovina.
Directiva 89/556/CEE do Consello, do 25 de setembro de 1989, relativa ás condicións de policía sanitaria aplicables aos intercambios intracomunitarios e ás importacións procedentes de países terceiros de embrións de animais domésticos da especie bovina.	Real decreto 855/1992, do 10 de xullo, polo que se fixan as condicións de policía sanitaria aplicables aos intercambios intracomunitarios e ás importacións procedentes de países terceiros de embrións de animais domésticos da especie bovina.

Directiva	Real decreto de incorporación ao noso ordenamento.
Directiva 90/426/CEE do Consello, do 26 de xuño de 1990, relativa ás condicións de policía sanitaria que regulan os movementos de équidos e as importacións de équidos procedentes de países terceiros.	Real decreto 1347/1992, do 6 de novembro, polo que se modifican as normas de loita contra a peste equina e se establecen as condicións de sanidade animal que regulan os movementos intracomunitarios de équidos e as importacións destes animais de países terceiros.
Directiva 90/429/CEE do Consello, do 26 de xuño de 1990, pola que se fixan as normas de policía sanitaria aplicables aos intercambios intracomunitarios e ás importacións de esperma de animais da especie porcina.	Real decreto 1148/1992, do 25 de setembro, polo que se fixan as exixencias de sanidade animal aplicables aos intercambios intracomunitarios e ás importacións de esperma de animais da especie porcina.
Directiva 90/539/CEE do Consello, do 15 de outubro de 1990, relativa ás condicións de policía sanitaria que regulan os intercambios intracomunitarios e as importacións de aves de curral e de ovos para incubar procedentes de países terceiros.	Real decreto 1888/2000, do 22 de novembro, polo que se establecen as condicións de sanidade animal aplicables aos intercambios intracomunitarios e as importacións de aves de curral e de ovos para incubar, procedentes de países terceiros.
Directiva 91/67/CEE do Consello, do 28 de xaneiro de 1991, relativa ás condicións de policía sanitaria aplicables á posta no mercado de animais e de produtos da acuicultura.	Real decreto 1882/1994, do 16 de setembro, polo que se establecen as condicións de sanidade animal aplicables á posta no mercado de animais e produtos da acuicultura.
Directiva 91/68/CEE do Consello, do 28 de xaneiro de 1991, relativa ás normas de policía sanitaria que regulan os intercambios intracomunitarios de animais das especies ovina e cabrúa.	Real decreto 1941/2004, do 27 de setembro, polo que se establecen as normas de policía sanitaria que regulan os intercambios intracomunitarios e as importacións de países terceiros de animais das especies ovina e cabrúa.
Directiva 2004/68/CE do Consello, do 26 de abril de 2004, pola que se establecen normas zoonómicas para a importación e tránsito na Comunidade de determinados ungulados vivos, se modifican as Directivas 90/426/CEE e 92/65/CEE e se derroga a Directiva 72/462/CEE.	Real decreto 1085/2005, do 16 de setembro, polo que se establecen normas zoonómicas para a importación e o tránsito por España de determinados ungulados vivos procedentes de países terceiros.».

## ANEXO V

### Lista de decisións

1. Decisión 2003/56/CE, da Comisión, do 24 de xaneiro de 2003, sobre os certificados sanitarios para a importación de animais vivos e produtos de orixe animal procedentes de Nova Celandia.
2. Decisión 2002/987/CE, da Comisión, do 13 de decembro de 2002, relativa á lista de establecementos das Illas Malvinas autorizados para efectos de importación de carnes frescas á Comunidade.
3. Decisión 2002/477/CE, da Comisión, do 20 de xuño de 2002, pola que se establecen requisitos de saúde pública que deben cumprir a carne fresca e a carne fresca de aves de curral importadas de países terceiros e pola que se modifica a Decisión 94/984/CE.
4. Decisión 2001/600/CE, da Comisión, do 17 de xullo de 2001, pola que se establecen medidas de protección con respecto ás importacións de determinados animais procedentes de Bulgaria debido a un foco de febre catarral ovina e se derroga a Decisión 1999/542/CE, pola que se modifica a Decisión 98/372/CE referente ás condicións e os certificados zoonómicos para a importación de animais vivos das especies bovina e porcina procedentes de determinados países europeos, atendendo a determinados aspectos relacionados con Bulgaria, e pola que se modifica a Decisión 97/232/CE pola que se modifica a lista dos países terceiros dos que os Estados membros autorizan a importación de ovinos e caprinos.
5. Decisión 2000/159/CE, da Comisión, do 8 de febreiro de 2000, pola que se aproban provisionalmente os plans de eliminación de residuos de países terceiros de conformidade coa Directiva 96/23/CE, do Consello.
6. Decisión 98/8/CE, da Comisión, do 16 de decembro de 1997, sobre a lista de establecementos da República Federativa de Iugoslavia autorizados para importar carne fresca á Comunidade.
7. Decisión 97/222/CE, da Comisión, do 28 de febreiro de 1997, pola que se establece a lista de países terceiros

desde os cales os Estados membros autorizan a importación de produtos cárnicos.

8. Decisión 97/221/CE, da Comisión, do 28 de febreiro de 1997, pola que se establecen as condicións zoonómicas e os modelos de certificados sanitarios relativos ás importacións de produtos cárnicos procedentes de países terceiros e se derroga a Decisión 91/449/CEE.

9. Decisión 95/427/CE, da Comisión, do 16 de outubro de 1995, sobre a lista de establecementos da República de Namibia autorizados para a importación de produtos a base de carne na Comunidade.

10. Decisión 95/45/CE, da Comisión, do 20 de febreiro de 1995, sobre a lista de establecementos da Antiga República Iugoslava de Macedonia autorizados para a importación de carnes frescas na Comunidade.

11. Decisión 94/465/CE, da Comisión, do 12 de xullo de 1994, sobre a lista de establecementos de Botswana autorizados para a importación de produtos a base de carne na Comunidade.

12. Decisión 94/40/CE, da Comisión, do 25 de xaneiro de 1994, sobre a lista de establecementos de Cimbabue autorizados para a importación de produtos a base de carne na Comunidade.

13. Decisión 93/158/CEE, do Consello, do 26 de outubro de 1992, referente á celebración do acordo en forma de cambio de notas entre a Comunidade Económica Europea e os Estados Unidos de América relativo á aplicación da directiva comunitaria país terceiro, Directiva 72/462/CEE, do Consello, e dos correspondentes requisitos regulamentarios dos Estados Unidos de América no que concirne ao comercio de carne fresca de vacún e de porcino.

14. Decisión 93/26/CEE, da Comisión, do 11 de decembro de 1992, sobre a lista de establecementos da República de Croacia autorizados para a importación de carnes frescas na Comunidade.

15. Decisión 90/432/CEE, da Comisión, do 30 de xullo de 1990, relativa á lista de establecementos de Namibia autorizados para a importación na Comunidade de carnes frescas.

16. Decisión 90/13/CEE, da Comisión, do 20 de decembro de 1989, relativa ao procedemento que se debe seguir para modificar ou completar as listas de establecementos autorizados nos países terceiros para a importación de carnes frescas na Comunidade.

17. Decisión 87/431/CEE, da Comisión, do 28 de xullo de 1987, relativa á lista de establecementos de Swazilandia autorizados para a importación na Comunidade de carnes frescas.

18. Decisión 87/424/CEE, da Comisión, do 14 de xullo de 1987, relativa á lista de establecementos dos Estados Unidos Mexicanos autorizados para a importación de carnes frescas na Comunidade.

19. Decisión 87/258/CEE, da Comisión, do 28 de abril de 1987, relativa á lista de establecementos de Canadá autorizados para efectos de importación de carnes frescas na Comunidade.

20. Decisión 87/257/CEE, da Comisión, do 28 de abril de 1987, relativa á lista de establecementos dos Estados Unidos de América autorizados para efectos de importación de carnes frescas na Comunidade.

21. Decisión 87/124/CEE, da Comisión, do 19 de xaneiro de 1987, relativa á lista de establecementos de Chile autorizados para efectos da importación de carnes frescas na Comunidade.

22. Decisión 86/474/CEE, da Comisión, do 11 de setembro de 1986, relativa á aplicación dos controis nas dependencias correspondentes efectuados no marco do réxime aplicable ás importacións de animais da especie bovina e porcina, así como de carnes frescas procedentes de países terceiros.

23. Decisión 86/65/CEE, da Comisión, do 13 de febreiro de 1986, relativa á lista de establecementos de Marrocos autorizados para a importación na Comunidade de carnes frescas.

24. Decisión 85/539/CEE, da Comisión, do 29 de novembro de 1985, relativa á lista de establecementos de Grenlandia autorizados para a importación de carnes frescas na Comunidade.

25. Decisión 84/24/CEE, da Comisión, do 23 de decembro de 1983, relativa á lista dos establecementos de Islandia autorizados para a importación de carnes frescas na Comunidade.

26. Decisión 83/423/CEE, da Comisión, do 29 de xullo de 1983, relativa á lista de establecementos da República do Paraguai autorizados para a importación de carnes frescas na Comunidade.

27. Decisión 83/402/CEE, da Comisión, do 29 de xullo de 1983, relativa á lista de establecementos de Nova Celandia autorizados para a importación de carnes frescas na Comunidade.

28. Decisión 83/384/CEE, da Comisión, do 29 de xullo de 1983, relativa á lista de establecementos de Australia autorizados para a importación de carnes frescas na Comunidade.

29. Decisión 83/243/CEE, da Comisión, do 10 de maio de 1983, relativa á lista de establecementos da República de Botswana autorizados para a importación de carnes frescas na Comunidade.

30. Decisión 83/218/CEE, da Comisión, do 22 de abril de 1983, relativa á lista de establecementos da República Socialista de Romanía autorizados para a importación de carnes frescas na Comunidade.

31. Decisión 82/923/CEE, da Comisión, do 17 de decembro de 1982, relativa aos establecementos da República de Guatemala dos que os Estados membros poden autorizar a importación de carnes frescas.

32. Decisión 82/913/CEE, da Comisión, do 16 de decembro de 1982, relativa á lista de establecementos da República de Sudáfrica e de Namibia autorizados para a importación de carnes frescas na Comunidade.

33. Decisión 82/735/CEE, do Consello, do 18 de outubro de 1982, relativa á lista de establecementos da Repú-

blica Popular de Bulgaria autorizados para a exportación de carnes frescas á Comunidade.

34. Decisión 82/734/CEE, do Consello, do 18 de outubro de 1982, relativa á lista de establecementos da Confederación Suíza autorizados para a exportación de carnes frescas á Comunidade.

35. Decisión 81/713/CEE, da Comisión, do 28 de xullo de 1981, relativa á lista dos establecementos da República Federativa do Brasil autorizados para a importación na Comunidade de carnes frescas de vacún e de carnes de solípedos domésticos.

36. Decisión 81/92/CEE, da Comisión, do 30 de xaneiro de 1981, relativa á lista dos establecementos da República Oriental do Uruguai autorizados para a importación na Comunidade de carnes frescas de vacún e de ovino, así como de solípedos domésticos.

37. Decisión 81/91/CEE, da Comisión, do 30 de xaneiro de 1981, relativa á lista dos establecementos da República Arxentina autorizados para a importación na Comunidade de carnes frescas de vacún e de ovino, así como de solípedos domésticos.

38. Decisión 79/542/CEE, do Consello, do 21 de decembro de 1979, pola que se confecciona unha lista de países terceiros ou as súas partes, e pola que se establecen as condicións zoosanitarias, de saúde pública e de certificación veterinaria para a importación á Comunidade de determinados animais vivos e das súas carnes frescas.

39. Decisión 78/685/CEE, da Comisión, do 26 de xullo de 1978, pola que se establece unha lista de enfermidades epizoóticas conforme as disposicións da Directiva 72/462/CEE.

(1) Rísquese o que non proceda.»

## MINISTERIO DE SANIDADE E CONSUMO

**16052** *REAL DECRETO 1089/2005, do 16 de setembro, polo que se establecen os métodos de mostraxe e de análise para o control oficial do contido de benzo(a)pireno nos produtos alimenticios. («BOE» 232, do 28-9-2005.)*

A Directiva 2005/10/CE da Comisión, do 4 de febreiro de 2005, pola que se establecen os métodos de mostraxe e de análise para o control oficial do contido de benzo(a)pireno nos produtos alimenticios, regula os procedementos de mostraxe e os métodos de análise que se deberán aplicar para o control oficial do contido máximo de benzo(a)pireno nos alimentos recollidos no anexo I do Regulamento (CE) n.º 466/2001 da Comisión, do 8 de marzo de 2001, polo que se fixa o contido máximo de determinados contaminantes nos produtos alimenticios.

O referido anexo I do Regulamento (CE) n.º 466/2001 recolle os grupos de alimentos susceptibles de conter benzo(a)pireno, así como os límites máximos deste contaminante permitidos neles. Os grupos de alimentos aos cales se aplica esta disposición son os aceites e graxas destinados ao consumo humano directo ou como ingrediente dos produtos alimenticios; os produtos alimenticios destinados a lactantes e nenos de curta idade; os alimentos infantís e alimentos elaborados a base de cereais para lactantes e nenos de curta idade; os preparados para lactantes e preparados de continuación, incluídos o leite para lactantes e o leite de continuación; os alimentos die-